



# BUROYA KURDÎ

## ya Pêwendî û Agahdariyê

Bultena agahdariyê N° 88 - Tebax 2012

Quai aux Pierres de Taille (Arduinkaai) 11, 1000 Bruxelles - Tel. 02 219 80 60 [www.kurdishbureau.be](http://www.kurdishbureau.be)  
[kurdishbureau@scarlet.be](mailto:kurdishbureau@scarlet.be)

## NÛÇE JI KURDISTANÊ

TÎRMEH 2012

### KURDISTANA TIRKIYÊ

#### PARLEMENTERA KURD LEYLA ZANA

##### Rasthatin bi serokwezîrê tirk re



Di 30 Hezîran 2012 de, parlementera kurd a serbixwe, Leyla Zana, rastî serokwezîrê tirk Recep Tayyip Erdoğan, bi amadebûna cîgirê serokwezîr Beşîr Ataly, hat. Cîvîn katjmêrek (saetek) û niv ajot. Dema ku derket, wê got ku rasthatin baş derbas bû û ku Erdoğan «fular» ek (hibrî) pêşkêşî wê kir.

##### Konfêrans li parlamenta Tirkîyê

Di 01 Tîrmeh 2012 de, Banû Zana konfêranseke çapemeniyê li parlamenta Tirkîyê kir. Wê tê de got ku wê bi Erdoğan re ajotina (dewamkirin) giftûgoyan (munaqeşe), perwerdeya bi zimanê kurdî û zîndana malê ji bo Abdullah Öcalan, serokê PKKê, giftûgo kirin. Û wê got jî ku ev gav bi amadebûna hemî aliyan, di hewayekî aşîtiyê de, bê kirin û ku dewleta tirkî dibêje ku divê ku berê PKK şerr rawestîne û piştî ewê leşker ê xwe rawestîne. Lê Zana got ku ew tişt ne réalîst e. Wê ji se-

rokwezîr re got ku dewleta tirkî divê ku bexîşandin (efû) ji malbatên qurbanên sîvîl ên qirkirina Roboskî bixwaze. Li dawiyê, wê got ku Erdoğan bi sabir guhdariya wê kir û ku gotinên wî piştî cîvînê nîşan da ku ew samîmî ye û ku dixwaze ku pirsê bi dyalogê çare bike.

(Çapemeniya kurdî, 01.07.2012)

##### Li Parlemeta Ewropî

Ew li Parlemeta Ewropî li ser rasthatina xwe bi serokwezîrê tirk, Recep Tayyip Erdoğan, re peyivî û got ku wî bi sabere mezzin guhdariya wê kir.

([netkurd.com](http://netkurd.com), [avestakurd.net](http://avestakurd.net), [rudaw.net](http://rudaw.net), 11.07.2012)

##### Piştigiriya ronakbîrên kurd

Ronakbîr, nivîskar, hunermend û ramiyarên (siyasî) kurd, ji bo rasthatina wê bi serokwezîrê tirk re, piştigiriya Leyla Zana kir.

([avestakurd.net](http://avestakurd.net), [netkurd.com](http://netkurd.com), 14.07., [rizgari.org](http://rizgari.org), 15.07.2012)

##### Cezayê zîndanê hat cemidandin

Cezayê du sal zîndan, ku Banû Zana ji bo axaftineke ku wê di 2007 de kiri bû, hat cemidandin, bi şartê ku ew 3 sal heman (eynî) tawanê (sûc) neke.

([rudaw.net](http://rudaw.net), 17.07.2012)

## **DADGEHEK FERMANA RAGIRTINA 30 SERBZAN DIDE**

Di çarçeva vekolînekê (ankêt) li ser « sîxuriya leşkerî » (casûsiya leşkerî), ku ji aliyê dozkarê (prokuror) komarê yê İzmirê hat dest pê kirin, de dadgehê fermana derxistina (avêtina) 30 serbazan (esker), li 15 bajarên, da. Di vê tevgerê de, 26 gûmanbar (kesên bi şubhe) hatin bin çav kirin û piştê birin Serleşkeriya İzmirê. Ji berê, di çarçeva heman dozê de, 45 kes, ku ji wan 13 serbaz, hati bûn ragirtin. Di 13 Hezîran de jî, 19 serbaz, ku ji wan 2 xanenişîn (teqa'ud), hati bûn ragirtin. ([netkurd.com](http://netkurd.com), 01.07.2012)

## **BÎRANÎNA SERHILDANA 1925**

Partiyên ramyariyî (siyasî) yên kurdî, BDP, KADEP, HAK-PAR û OSP, û 19 rêxistinên civaka sîvîl, li Diyarbekirê kuştina Şêx Seîd û 16 hogirên wî, piştî serhildana 1925, pêk anî. ([peyamner.com](http://peyamner.com), 01.07.2012)

## **PIRTÛKEKE MATÊMATÎKÊ TÊ WERGERANDIN KURDÎ**

Kurdekî Batmanê, Yusuf Soyvural, mamosteyê matematîk û fîzîkê li zanîngeha Colemêrgê (Hakkari) ye. Wî pirtûka pileya (derece) duyemîn a matematîkê wergerand zimanê kurdî. Wî kari bû vî karî bi saya handana (teşwîq) rêktorê vê zanîngehê bike. Soyvural « master » êkê li zanîngeha Yüzüncü jî amade dike. Wî dixwest ku lêgerînekê li ser zimanê kurdî bike, lê ji sedema astengên huqûqî wî nikari bû wê bike. ([rudaw.net](http://rudaw.net), 02.07.2012)

## **DÊSTPÊKIRINA DOZA « KCK »ê**

Di 02 Tîrmeh 2012 de, dadgeha taybetî ya 15mîn a cezayên giran a Istanbulê dest bi doza rêxistina « KCK »ê kir. 193 kes, ku ji wan 132 li zîndanê ne, bi « birêvebirina rêxistineke têrrorist a çekdar » hatine tawanbar (bi sûc) kirin. Ji wan, Banû Buşra Ersanlı, endama encumena destûrê ya partiya kurdî BDPê, û rojnamevan Ragîp Zarakoğlu. Dadgeh 38 sal zîndan ji bo Banû Ersanlı û di navbera 7 sal û nîv û 15 sal ji bo Zarakoğlu dixwaze. ([netkurd.com](http://netkurd.com), 02.07.2012)

## **VEKOLÎNEK LI SER TABLOYA ÎLANEKE BI KURDÎ**

Di 03 Tîrmeh 2012 de, wezîrê hundir ê tirk, Naim Şahin, fermana destpêkirina vekolînekê li ser tabloya îlanekê, ku li ketina Diyarbekirê hatiye danîn, da. Li ser vê tabloyê, xweşhatina mêvanan bi sê zimanan, tirkî, kurdî û suryanî, « Hûn bi xêr hatin bajarê me », hatiye nivîsîn. Şaredar Abdullah Demirbaş riswa (protêsto) kir û got ku nuha hukûmeta tirkî hînkirina bijare ya zimanê kurdî dipejirîne (qebûl dike), lê hebûna tabloyekê bi sê zimanan li ketina bajêr napejirîne. Û wî anî bîran ku ev tablo ji zû de li vira ye. ([peyamner.com](http://peyamner.com), 04.07.2012)

## **JÎ 2009 DE, 6.500 KES HATINE GIRTIN**

Serokê Rêxistina Mafên Mirov (IHD), Öztürk Türkoğan, got ku ji 3 salan de, dewletê siyaseta xwe li hemberî Kurdan guherandiye, ku ew wan dipejirîne (qebûl dike), lê tevgera siyasî ya kurdî qedexe dike. Û wî got jî ku giftûgoyên di navbera her du aliyên de rawestiyên.

([rudaw.net](http://rudaw.net), [peyamner.com](http://peyamner.com), 07.07.2012)

## **MÎTÎNGEK TÊ QEDEXE KIRIN**

Di 09 Tîrmeh 2012 de, parêzgarê (walî) Diyarbekirê mîtîngeke KCKê di 14 Tîrmehê de qedexe kir. ([rudaw.net](http://rudaw.net), 09.07.2012)

Di 14 Tîrmeh de, mîtîngeke mezzin li Diyarbekirê, li bin duruşma (slogan) « Ji bo azadiyê berxwedana demokratîk », bû. Polîs bi tundî êrîşî bi hezaran xwepeşandiyên ku ji hemî navçeyên Kurdistanê hati bûn kir. Bi dehan kes ji her du aliyên, ku j iwan 3 parlamenterên partiya BDPê, birîndar bûn. Lingê parlamenter Pervin Buldan hat şikestin. Nêzikî 85 kes hatin ragirtin. Dozkarê Komarê dest bi vekolînekê kir.

Partiyên ramyariyî yên kurdî, HAK-PAR, KADEP û OSP, û rêxistinên civaka sîvîl, weka Rêxistina Mafên Mirov li Diyarbekirê, piştgiriya xwe ji partiya BDPê re nîşan da û tundiya (hişkbûn) polis riswa kir. ([netkurd.com](http://netkurd.com), [avestakurd.net](http://avestakurd.net), 14.07.; [rudaw.net](http://rudaw.net), [peyamner.com](http://peyamner.com), 16.07.2012)

Di 15 Tîrmeh de, nêzikî 1.000 kes li parka Sumerê, li Diyarbekirê, ji bo riswakirina tundiya polis, civiyan. Çend berpirsiyarên partiya kurdî BDPê peyivîn. ([peyamner.com](http://peyamner.com), 15.07.2012)

Lêgerîn li gelek xaniyan ji aliyê polîsê antî-têrrorist li Diyarbekirê hatin kirin. 13 kes hatin ragirtin. Bi ser de jî, şaredarê Pîranê, Mustafa Uygur, hat ragirtin. ([peyamner.com](http://peyamner.com), 18.07.2012)

Serokê Odeya Bazarganî û Pişesaziyê (sina'et), Remzi Can; serokê Pişesazên Başûrê Rojhilatê (Günsiad), Şah İsmail Bedirhanoglu; seroka Jinên Karsaz, Jin Nevin, û gelek karsazên din çûn seredana partiya BDPê li Diyarbekirê. Bedirhanoglu bi navê şandê (dêlêgasyon) peyivî û got ku bi qedexekirina vê mîtîngê dewlet şasiyeke mezzin kir. Seroka şaxa Diyarbekirê ya partiya BDPê, Zübeyde Zümürüt, got ku ji salek bêtir de, dewlet wan nahêle ku çalakîyan bikin, ji bo ku derketina milyonek Kurd li Diyarbekirê wê ditirsîne. Û wê got jî ku partiya wê ewê tucar liberxwedana dêmokratîk ranewestîne. ([rudaw.net](http://rudaw.net), 20.07.2012)

## **DI 6 MEHÊN ŞERR DE, 178 MIRÎ Û 123 BIRÎNDAR**

Li gora rappora Rêxistina Mafên Mirov li Tirkîyê, ji 6 mehan de, di şerrê li dijî PKKê de 178 kes mirin. Ji wan, 122 çekdarên PKKê û 56 endamên ewlehiyê (emniyyet) yên tirk. Bi ser de jî, 123 serbaz û polîs birîndar bûn.

*(netkurd.com, rudaw.net, 10.07.2012)*

## **BELAVBÛNA LEŞKER LI GUNDAN**

Leşkerê tirkî belav bû gelek gundên bajarê Tatwanê, li nêzîkî sînorê iraqî. Ev yek piştî birîndarbûna 3 serbazên tirkî di şerrê PKKê de. Serbazan ketin û derketina ji van gundan qedexe kirin, û bi vî awayî rûniştewanên wan ji xwedîkirina dewaran (heywanan) û xebata li zeviyên (erd) xwe bêpar (mehrûm) kirin.

*(netkurd.com, 11.07.2012)*

## **15 POLÎS TÊN BIRÎNDAR KIRIN**

*Di 14 Tîrmeh 2012 de*, PKKê êrişî bingeheke polîs li Edremitê, li nêzîkî Wanê, kir. 15 polîs birîndar bûn.

*(peyamner.com, 14.07.2012)*

## **QEDEXEKIRINA NAVÊN KURDÎ YÊN CIYÊN VEKIRÎ**

Li gora ajansa FiratNewsê, navên kurdî yên 19 navendên çandî û parkan hatin qedexe kirin. Ev yek ji sedema qedexekirina fermî (resmî) ya zimanê kurdî û nebûna hin tîpan, weka « Q, X, W », di zimanê tirkî de. Kurdan bixwe van navên kurdî danî bû ciyê yên kevn ên tirkî.

*(aknews.com, 21.07. ; rudaw.net, 22.07.2012)*

## **KUJERÊN 17.000 KURDAN DIVÊ KU BÊN CEZA KIRIN**

Rêxistina Mafên Mirov çalakiyek li parka Koşuyolu, ji bibîranîna kuştina 17.000 Kurdan di salên 1990 de, pêk anî. Serokê wê, Raci Bilici, got ku ev kuştinên ne zelal ji aliyê dewletê hati bûn kirin, ku ev kujer (qatil) hîn jî azad digerrin û ku divê ku hukûmet wan ceza bike û ji gelê kurd bexîşandinê (efû) bixwaze.

*(peyamner.com, 21.07.2012)*

## **6.000 SERBAZ HIŞŞÊ XWE HUNDA KIR**

Li gora rojnameya tirkî Sabahê, Rêxistina Ewlehiya Civakî (Sosyal Güvenlik Kurumu) daxuyand (îlan kir) ku di 28 salan de, 6.000 serbaz (esker) hişşê xwe hunda kir yan jî pirsên (problêm) wan ên psîkolojîk ên giran, ji sedema şerrê leşkerê tirkî li dijî PKKê, bûn. Ji aliyekî din jî, Rêxistina Serbazên Mirî û Rêxistina Malbatên

Şehîdan xwest ku leşker navê rûmetê (şeref) “Gazi” û mûçe (maaş) bide wan. *(rudaw.net, 22.07.2012)*

## **SEREDANA SEROKÊ ENCUMENA MAFÊN MIROV YA PARLEMENTA KURDISTANA IRAQÊ**

Serokê encumena mafên mirov a Parlemeta Kurdistanê, Salar Mehmûd, çû seredana şaredarê Diyarbekirê, Osman Baydemir, û jê re pêşveçûnên Kurdistanê, nemaze di warê mafên mirov de, gotin. Baydemir dilxweşbûna xwe ji rewşa nuha ya Kurdistanê Sûriyê nîşan da.

*(peyamner.com, 23.07.2012)*

## **DEH MEH ZÎNDAN JI BO BERPIRSIYAREKÎ “BDP”ê**

Dadgehek Mazhar Zümrüt, endamê encumena partiya kurdî BDPê, bi 10 meh zîndan tawanbar (mehkûm) kir. Ew bi gotina “Mîrza Öcalan” (bi tirkî : Sayın Öcalan) û bi pesindana “gêrilla”yan, di kongreya 2mîn a beşa Elazîzê ya BDPê de, hatiye tawanbar kirin.

*(rudaw.net, 23.07.2012)*

## **NIJADKUJIYEKE ÇANDÎ**

Alîkarê berê yê seroka partiya desthilatê AKPê, Dengir Mir Firat (kurd), ji rojnama tirkî Radikalê re got ku siyaseta assîmîlasyona Kurdan di dema “İttihad ve Terakki” de dest pê kir û bi Kemalîsmê (Ata-Türk, bavê Tirkan) ajot (dewam kir). Û wî got jî ku ev siyaseta hîn jî heye û navê wê kir “nijadkujiya çandî” (jênosîda kulturel), li gel gavên girîng ku hukûmetê avêtine û got ku divê ku ew pirsê kurdî û ya PKKê tev li hev neke.

*(peyamner.com, 24.07.2012)*

## **BANGA 763 RÊXISTINAN LI DIYARBEKIRÊ**

763 rêxistinên civaka sîvîl, ku ji wan şaxa Diyarbekirê ya KCDê (Kongreya Civaka Dêmoqratik) û Rêxistina Mafên Mirov, bangê hukûmeta tirkî kir ku tecrîdê ji ser Abdullah Öcalan, serokê PKKê ku li zîndanê ye, rake û gavan ji bo çarekirina pirsê kurdî bavêje.

*(rudaw.net, peyamner.com, 25.07.2012)*

## **DAGÎRKIRINA TURKISH AIRLINES LI VYËNNA**

*Di 27 Tîrmeh 2012 de*, komeke cuhanên kurd buroyên şirketa firokeyên tirkî, Turkish Airlines, li Vyenna, li Otrîşê (Avusturya, Nêmsa) dagîr (işgal) kir, ji bo riswarkirina tecrîda li ser serokê PKKê, Abdullah Öcalan. Piştî katjîmerekê (saetek), karmendekî şirketê gaza hêstîrîn avêt ser wan. Polîs karmend û berpirsîyarê komê bin çav kirin.

*(rudaw.net, 28.07.2012)*



## KURDISTANA IRAQÊ

### RÊXISTINA XANIMÊN KURDISTANÊ



Di konfêranseke çapemeniyê li Hewlêrê de, Rêxistina Xanimên Karsaz ên Kurdistanê avabûna xwe daxuyand. Ew ji 16 jinan pêk hatiye û destûra fermî di 07 Sibat 2012 de ji wezaretê hundir a Kurdistanê stendiye. Bîrê (fîkr) avakirina wê dema ku 5 jinên kurd li Qatarê beşdar bû bûn semposyuma jinên karsaz ên Rojhilata Navîn, ji 17 heta 19 Gulan 2011 (li bultena me N° 75 binêre), dest pê kir. Seroka vê rêxistinê, Ferda Cemil Paşa (foto, li çep) got ku li cihanê jinên karsaz ku lobby ji bo welatê xwe dikin hene û ku ew jî dixwazin ku Kurdistanê li derve binimînin (temsîl bikin). Û wê got ji ku jinên kurd pirr hişyar û xurt in. ([rudaw.net](http://rudaw.net), 01.07.2012)

### LI SADIYÊ KURD TÊN TÊRROR KIRIN

Rûniştvanekî kurd ê Sadiyê, li Bakurê parêzgeha Diyala, yek ji navçeyên erebkirî yê Kurdistanê ji 1975 de, daxuyand ku xelk nema diwêre derkeve ji bo ku heşînayîyan bikirre. “*Ev der weka Kandahar e !*” (li Avxanistanê), wî got. Kurd tê de nameyên tehdîdê ji komên têrrorist ên îslamî, weka Dewleta Îslamî û El-Qaide, distînin. Hin ji fermanên wan qedexekirina pîroziyan, firofina alkolê, kişandina foyan yan derketina jinan bê ku serê xwe bigirin, in. Di 2008 de, dema ku rûniştvanên kurd û malên wan bû bûn amanca van komên çekdar, pêşmerge diviya bûn ku jê derkevin. Amadêbûna polîsê iraqî qet alîkariya van malbatan ne kir. Ev kom pere ji xwediyên xwaringehan (rêstoran) û stasyonên benzînê distînin ji bo ku destûr (izn) bidin wan ku kar bikin. ([rudaw.net](http://rudaw.net), 08.07.2012)

### KURDISTAN PÊTROL DIŞÎNE TIRKIYÊ

Rawêjkarê (muşawir) wezaretê kaniyên xwezayî (tabîî) yê Kurdistanê, Sîrwan Ebû Bekir, daxuyand ku Kurdistan dest bi şandina pêtrolê ji Tirkiyê re kir. ([Çapemeniya kurdî](http://Çapemeniya kurdî), 08 û 09.07.2012)

### KURDEKÎ ÎRANÊ HUNDA BÛYE

Fêdêrasyona Rêxistinên Ne Hukûmî li Kurdistana Iraqê “NGO” ji hukûmeta kurdî xwest ku tavil (pirr zû) dest bi vekolînekê li ser Mawlud Afand, ku di 08 Hezîran 2012 de li Suleymaniyê hunda bûye, bike. Afand Kurdekî Îranê ku ji 2003 de li Kurdistana Iraqê pena (iltica) bûye ye. Ew berpirsiyarê kovareke lêgerînê li ser pêwendiyên hevrayî di navbera çarenûsa (qeder) Kurdan û Israîliyan de ye. Ev kovar Kurdên Cihû ku li Israîlê dijîn han dide (teşwîq dike) ku vegehin welatê xwe, Kurdistana Iraqê (Kurdên Cihû ji aliyê partiya Baas di 1951 de hati bûn qewirandin Israîlê) (li bultena me N° 87 binêre). Karmendên vê kovarê û gelek rojnamevanên kurd bawer dikin ku Afand ji aliyê servîsên dîzî yê Îranê hatiye revandin. Konsulxana Îranê li Hewlêrê ev yek inkar kir. ([peyamner.com](http://peyamner.com), 10.07.2012)

### SERJIMÊRIYÊN UN’Ê LI SER KURDISTANÊ

Di 08 Tîrmeh 2012 de, hukûmeta Kurdistana Iraqê ji bo giftûgokirina serjimêriyên (statîstîk) rêxistinên UNê (Rêxistina Neteweyên Yekbûyî) yê li ser pirsên civakî li Kurdistanê civiya : rêjeyên (nisbet) bêkarî, nexwendin, nexweşî, tundiya li dijî zarok û jinan ; asta (sewiye) servîsên hukûmî, weka av, êlêktrîk û hawîrdorê (jîngeh).

Serokwezîrê kurd, Nêçîrvan Berzanî, li vê civînê got ku ev serjimêrî hebûna pêşveçûnê di hemî van waran de nîşan didin, lê ku ev yek têr nake û ku divê ku hemî wezaret bixebitin ku Kurdistan bigihêje standardên navneteweyî. ([avestakurd.net](http://avestakurd.net), 10.07.2012)

### ÊRÎŞÊN TÊRRORÎST LI NAVÇEYÊN EREBKIRÎ YÊN KURDISTANÊ

Di 12, 13, 18, 23 û 24 Tîrmeh 2012 de, êrîşên têrrorist li Kerkûk, Dubiz û Tuzxurmatû bûn. Bi giştî, 27 kes mirin û 5 birîndar bûn. ([Çapemeniya kurdî](http://Çapemeniya kurdî))

## SEREDANA WEZÎRA ÎRLANDÎ YA PÊWENDIYÊN DERVE

Di 16 Tîrmeh 2012 de, wezîra pêwendiyên derve ya Îrlanda Bakur, Arlin Fotsler, çû seredana serokê Kurdistanê, Mesûd Berzanî. Piştê, wê lihevkerinek bi hukûmeta Kurdistanê re, li ser xurtkirina pêwendiyên dualiyî di warên berhemanîn (investment), bazarganî, perwere, perwerdeya bilind, çandin, geşt (tûrîsm) ... de, wajo (imza) kir.

[peyamner.com](http://peyamner.com), [netkurd.com](http://netkurd.com), [aknews.com](http://aknews.com), 17.07.2012

## HÎNKIRINA KURDÎ LI DERVEYÎ KURDISTANÊ

Li tevayîya Iraqê, zimanê kurdî li polên (sinif, klas) 4mîn û 5mîn ên dibistanên navîn tê hîn kirin. Lê, li gora destûra iraqî, divê ku ew li hemî astan (sewiye) bê hîn kirin, ji bo ku li Iraqê, li kêleka erebî, zimanê kurdî yê 2mîn e. Birêvebirê giştî yê hînkirina zimanê kurdî li wezareta iraqî ya perwerde, Huseyn Caf, got ku projeyek di vî warî de hat pêşkêş kirin.

[rudaw.net](http://rudaw.net), [rizgari.org](http://rizgari.org), 17.07.2012

## 48 BENDAVÊN AVÎ LI KURDISTANÊ

Birêvebirê giştî yê bendavan (baraj, sed) û berhevkirina avê, endaz (muhendis) Ekrem Resûl, daxuyand ku nuha 13 bendavên avî tînin avakirin û ku lêgerînên li ser avakirina 27 bendavên din di rê de ne. Kurdistan erdeke ku bi av (rûbarên Dicle û Firat), pêtrol û gazê gelek dewlemen e.

[netkurd.com](http://netkurd.com), 18.07.2012

## SEROKÊ AMERÎKÎ BERSÎVA SEROKWEZÎRÊ IRAQÎ DIDE

Serokê amerîkî Barak Obama bersîv da nameya serokwezîrê iraqî Nûrî El-Malikî, ya li ser nerazîbûna wî ji kontratên pêtrolê ku ji aliyê hukûmeta Kurdistanê Iraqê hatine wajo (imza) kirin (kontratên bi şirketên amerîkî û yê din re. Li bultena me ya buhurî, N° 87, binêre). Obama jê re got ku şirketên amerîkî azad in ku bi Kurdistanê re kar bikin û ku Amerîka tecrube dîke ku Iraq û Kurdistan zagoneke (qanûn) nuha li ser pêtrol û gazê derxînin.

[peyamner.com](http://peyamner.com), [nefel.com](http://nefel.com), 25.07.2012

Li gora destûra iraqî, her herêmek mafê wê heye ku pêtrolê li bal xwe derxîne, lê divê ku hatinên (kar) wê biçin hukûmeta fêdêral. Piştê, her herêma rêjeyek (nisbet, %) ji buceya giştî distîne. Kurdistan mafê wê heye ku 17% ji vî bucê bistîne.

[BuroyaKurdi.net](http://BuroyaKurdi.net)

## KONTRAT BI ŞIRKETA PÊTROLÎ « CHEVRON » RE

Li gel pirsên (problêm) giran di navbera hukûmeta iraqî li Bexdadê û ya Kurdistanê li Hewlêrê, hukûmeta Kurdistanê kontratek bi şirketê 2mîn a mezzin a merîkî « Chevron » re, li ser lêgerîna kaniyên pêtrolê, bi hev-

kariya şirketê ostralî PMV AG, wajo (imza) kir. Ji berê jî, kontrateke weha bi Exxon Mobil re hati bû wajo kirin. Careke din, serokwezîrê iraqî, Nûrî El-Malikî, nerazîbûna xwe nîşan da.

[peyamner.com](http://peyamner.com), [rudaw.net](http://rudaw.net), [avestakurd.net](http://avestakurd.net), 20 û 25.07.2012

## SEREDANA RAWÊJKARÊ AMERÎKÎ JI BO EWLEHIYÊ

Serok Mesûd Berzanî pêşwaziya rawêjkarê (muşawir) cîgirê serokê amerîkî ji bo karên ewlehiyê (emniyet), Tony Blinkin, û şanda ku pê re bû, kir. Her du alî li ser borana (krîz) ramyariyê (siyasî) li Iraqê, pevçûnên di navbera hukûmeta iraqî û ya Kurdistanê de û tecrubeyên ku ji bo çarekirina wan li gora destûra iraqî giftûgo kirin. Mîrza Blinkin ji Mîrza Berzanî re giftûgoyên ku wî li Bexdadê kirin gotin.

[avestakurd.net](http://avestakurd.net), 20.07., [peyamner.com](http://peyamner.com), 21.07.2012

## GIFTÛGO LI SER TUNDIYA MALBATÎ

Serokê polis, kesên fermî (resmî) ku bi karên dadmendiyê (ên edaletê) xerîk (mijûl) dibin û karkerên civakî bi rawêjkarên (muşawir) Yekîtiya Ewropî li Hewlêrê civiyan, ji bo ku zagona (qanûn) li dijî tundiya (şiddet) malbatî giftûgo bikin.

Di Hezîran 2011 de, parlamenta Kurdistanê bi yekdemî zagona li ser tundiya malbatî pejiwandî bû (qebûl kiri bû). Tê de 10 bend hene û hemî celebên tundiya malbatî weka tawan (cinayet, curm) dibîne. Ê ew dixwaze jî ku dadgeheke (mehkeme) taybetî ji bo vî karî li piraniya bajarên Kurdistanê bînin danîn.

Dadmendekî (hakim) taybetî (xusûsî) di vî warî de, Serdar Ezîz, par daxuyand ku wî 31 doz (da'wa) stendin û ku nivê wan hatin çare kirin. Tawanbaran (kesên bi sûc) cezayên girtinê yê di navbera 6 mehan û salekê de stendin.

[peyamner.com](http://peyamner.com), 23.07.2012

## 14.000 QURBANÊN MÎNAN

Berpirsiyarekî hukûmeta Kurdistanê daxuyand ku heta nuha ji 14.000 kes bêtir ji sedema mînan (lexm) (ku di dema partiya iraqî Baas de hati bûn danîn) birîndar bûn yan mirin. Ê wî got jî ku heta nuha 20% ji axa Kurdistanê ji wan hatiye paqij kirin.

[netkurd.com](http://netkurd.com), 28.07.2012

## 110.000 SERBAZÊN IRAQÎ LI SÎNORÊN KURDISTANÊ

Di 28 Tîrmeh 2012 de, nêzîkî 110.000 serbazên (esker) iraqî bi dirêjayîya 60 km çûn ber bi navçeyên erebkirî yê Kurdistanê Iraqê û sînorê Kurdistanê Iraqê bi yê Kurdistanê Sûriyê re : Zumar, Pişt Xabûr ... Hukûmeta Kurdistanê Iraqê tawil (pirr zû) liviya û jimarke mezzin ji pêşmergan sand. Heta nuha, her du leşker li hemberî

hev rawestiyane, lê hîn tu pevçûneke çekdarî ne bûye. Lê, pevçûna devkî hîn jî dajo (dewam dike). Serokwezîrê iraqî, Nûrî El-Malikî, daxuyand ku amanca vê tevgerê parastina sînoren iraqî ji tundiya ku li Sûriyê dibe ye !

**Di 30 Tîrmeh de**, serokê Kurdistanê Iraqê, Mesûd Berzanî, ji bo giftûgokirina vê pirsê, civîneke fireh bi partiyên ramyariyê yê kurdî re kir. Li dawiyê, 4 biryar hatin standin : 1- Peytkirina (tesdîq) helwesta hevrayî ya Kurdan û parastina bidestxistinên gelê Kurdistanê. 2- Çarekirina pirsên ramyariyê ne bi hêzê, lê bi bicîanîna destûrê û bi dyalogê. 3- Peytkirina biratiya kurdî, erebî û yê din, weka bingeha sereke ya desthilatê li Iraqê. 4- Ji desthilatan û ji ramana tevane (xelk) ya iraqî xwestina ku ew rola xwe di parastina dêmokrasîyê û sazandeyan de bilîzin û karekî hevrayî bikin.

**Di 30 Tîrmehê de** jî, encumena pêşmergan li parlamenta Kurdistanê çû Zumar û Rabî'a.

**Di 31 Tîrmeh de**, wezîrê pêşmergan, Cafer Mustafa, çû seredana pêşmergan li Zumar û Rabî'a, ji bo ku ji nêzîk de rewşê nas bike û moralê leşkerê Kurdistanê bilind bike.

*(Çapemeniya kurdî, 29-31.07.2012)*

## **VLADIMIR PUTIN MESÛD BERZANÎ VE-DIXWÎNE RÛSYA**

**Di 31 Tîrmeh 2012 de**, nimînendeyê (temsîlcî) taybetî yê serokê rûs Vladimir Putin ji bo karên Rojhilata Navîn, Michael Bogdanov, çû seredana serokê Kurdistanê, Mesûd Berzanî, û vexwendineke (dawet) fermî ya serok Putin ku biçe seredana Rûsya da wî.

*(avestakurd.net, 31.07.2012)*

## **KURDISTANA ÎRANÊ**

### **ÎRANIYÊK HUKMÊ ÎDAMÊ DISTÎNE JI BO KU BÛYE FILLE**

**Di 09 Tîrmeh 2012 de**, berdevka wezaretê amerîkî ya karên derve, Victoria Nuland, bangî desthilatên îranî kir ku Yûsuf Nadi Xanî, Îraniyekî ku bûye fille, bi dar ve nekin (daneleqîn).

Di 2010 de, wî hukmê îdamê stendi bû. Lê ev biryar hat birin dadgeha hawarê. Amerîka, Brîtanya Mezzin, Almanya û Fransa gelek caran bang ji bo nekuştina Xanî kirin.

*(rudaw.net, 10.07.2012)*

### **AMERÎKA AZADKIRINA GIRTIYÊKÎ KURD Ê NAVDAR DIXWAZE**

Berdevka wezaretê amerîkî ya karên derve, Victoria Nuland, di bangeke nivîskî de azadkirina girtiyê kurd ê navdar, Muhammed Sadîq Kabûdwend, ku ji 26 Gulan 2012 de mangirtina (grêv) birçîbûnê dike, xwest (li bultenê me yê buhurî binêre). Kabûdwend avakerê Rêxistina Mafên Mirov li Kurdistanê û berpirsiyarê kovara Peyamê Merdom e. Di 2008 de, ew bi 11 sal zîndan hat tawanbar kirin. Human Rights Watch û Amnesty International jî ji bo azadkirina wî xebitîn.

*(rudaw.net, 19.07.2012)*

## **KURDISTANA SÛRIYÊ**

### **KURD CIVÎNEKE DIJBERIYA SÛRÎ LI MISRÊ BOYKOT DIKIN**

**Di 02 û 03 Tîrmeh 2012 de**, dijberiya (muxalefet) sûrî li Qahirê, li bin serokatiya Lîga Erebî, civiya. 250 nimînendeyên dijberiyên sûrî yê cihê û hin wezîrên ereb ên karên derve beşdarî civînê bûn. Berpirsiyarê pêwendiyên derve yê Encumena Neteweyî ya Kurdî li Sûriyê (ENKS), Ebdul-Kerîm Beşşar, daxuyand ku Kurdan ev konfêrans boykot kir, ji bo ku Encumena Neteweyî ya Sûrî (dijberiya erebî) ne pejirand (qebûl ne kir) ku mafên Kurdan di daxuyaniya dawîn de binivîse.

*(aknews.com, avestakurd.net, netkurd.com, 04.07; nefel.com, 05.07; kurdwatch.org, 16.07.2012)*

### **XWEPÊŞANDANÊN KURDAN**

**Di 03, 06, 13 û 20 Tîrmeh 2012 de**, xwepêşandan (meşîn) li bajarên cihê yê Kurdistanê û li taxên kurdî yê Şam û Helebê bûn.

*(Çapemeniya kurdî)*

### **RAGIRTIN Î KUŞTINÊN KURDAN**

**Di 20 Hezîran 2012 de**, servîsên dîzî yê sûrî serbazê (esker) kurd Hozan Zeyn El-Abidîn, dema ku wî tecrube dikir ku bireve Kurdistanê Iraqê, ragirt. Nuha ew li zîndana leşkerî ya Qamişlî ye.



(kurdwatch.org, 15.07.2012) **Di 01 Tîrmeh de**, hêzên ezmanî yên sûrî ne hişt ku Nesreddîn İbrahim, sekreterê Partiya Dêmkokrat a Kurdî li Sûriyê, û berpirsiyarên Encumena Neteweyî ya Kurdî li Sûriyê li Şamê li firokê siwar bibin, ji bo ku beşdar bibin civîna dijberiya sûrî li Qahirê (li jor binêre), û ji wan re got ku ew nikarin ji Sûriyê derkevin.

(avestakurd.net, 05.07 ; kurdwatch.org, 09.07.2012)

**Di 13 Tîrmeh de**, êvarê, zilamên çekdar ên nenas li Qamişlî ramyarekî kurd, Cemîl Umer, ku bi navê « Bavê Adil » hatiye nas kirin, revand. Dema ku ew vedigeriya mala xwe, êrîşker agir berda wî û ew bir ciyekî nenas.

(avestakurd.net, 15.07.2012)

**Di 18 Tîrmeh de**, kurdekî cuhan li Der'a, di dema pevçûnên di navbera leşkerê sûrî û leşkerê azad de, hat kuştin.

(rudaw.net, 29.07.2012)

**Di 23 Tîrmeh de**, di dema pevçûnên li Darayya de, leşkerê sûrî bi dehan kes, ku ji wan endamên Leşkerê Azad ê Sûrî, ragirtin. Piştî çend katjêran (saet), wê 13 ji wan kesên girtî, ku j iwan Nêçîrvan Ferhad El-Quramî (endamê Leşkerê Azad) û Şivan Suleyman El-Quramî, kuştin.

(kurdwatch.org, 29.07.2012)

**Di 26 Tîrmeh de**, li Helebê 3 Kurd hatin kuştin û 2 ji birîndar kirin. Ev yek dema ku ew li xwarin û pêwîstiyên din ji bo Kurdên ku pena bû bûn (iltica) taxa kurdî Şêx Meqsûd û ji şerrê di navbera leşkerê azad ê sûrî (muxalefet) û hêzên rejîmê reviya bûn digerriyan. Ji bo bersîvdayîna vê yekê, çekdarên partiya kurdî PYD « YPG » 6 serbazên rejîmê kuştin.

(peyamner.com, rudaw.net, netkurd.com, aknews.com, 26.07, avestakurd.net, 26 û 27.07.2012)

**Di 28 Tîrmeh de**, 3 jinên kurd, ku yek ji wan 70 salî bû, di dema bombekirinên xurt ên Helebê de hatin kuştin.

(avestakurd.net, 29.07.2012)

**« PYD » KURDEKÎ DIREVÎNE Û ÊŞKENCE DIKE**

**Di 08 Tîrmeh 2012 de**, çekdarên partiya kurdî PYDê (baskê sûrî yê PKKê) Dr. Niyazî Hebeş, endamê « Behara Kurdî », li hemberî mala wî li Helebê revand. Heta êvarê, ew li avahiyeke nenaskirî hat hiştin û li wê derê gelek hat êşkence kirin. Ew bawer dike ku ev yek ji bo hişdariya (ixtar) endamên koma wî hat kirin.

(kurdwatch.org, 31.07.2012)

## PIŞTGIRIYA KURDISTANA IRAQÊ JI KURDÊN SÛRIYÊ RE

### Serokê Kurdistanê Iraqê rastî dijberiya kurdî ya Sûriyê tê



**Di 07 Tîrmeh 2012 de**, serokê Kurdistanê Iraqê, Mesûd Berzanî, rastî hev-serokê partiya PYDê (baskê sûrî yê PKKê), Salih Muslim, û hev-serokên Encumena Gel (rêxistineke PYDê), Sînem Rustem û Abdusselam Ehmed, hat ji bo giftûgokirina rewşa Kurdistanê Sûriyê. Berzanî li ser yekîtiya Kurdan li vê perça Kurdistanê israr kir. Piştî, PYD û Encumena Gel rastî Encumena Neteweyî ya Kurdî li Sûriyê (ENKS, ku tê de hemî partiyên siyasî ku ne PKK ne hene) hatin. Wan li ser van xalan li hev kir : 1- Avakirina encumeneke hevrayî, ji bo çarekirina pirsên ku hîn mane. 2- Destûrnedana bûyerên çekdarî li bajar û navçeyên kurdî. 3- Parastina bajarên kurdî bi hev re û bê çek. 4- Peyitandina (tesdîq kirin) lihevkerina ku berê çend hefteyan bi amadebûna buroya serok Berzanî hati bû wajo (imza) kirin.

(rudaw.net, avestakurd.net, 07.07 ; netkurd.com, 10.07.2012)

### Avakirina Heyeta Bilind a Kurdî

**Di 11 Tîrmeh de**, piştî rasthatinên cihê ku me li jor gotin, her sê partî û rêxistinên kurdî peymanê bi navê « Peymana Hewlêrê » wajo (imza) kir û li Hewlêrê Heyeta Bilind a Kurdên Sûriyê ava kir. Rola wê amadekirin û pêkanîna siyasetek û tevgereke hevrayî ji bo Kurdên Sûriyê : 1- Danîna mêkanîsmekê ji bo bicîanîna Peymana Hewlêrê. 2- Heyeta Bilind a Kurdî ji 10 kesan, ku ji wan 5 ji Encumena Neteweyî ya Kurdî li Sûriyê (ENKS) û 5 ji Encumena Gel (rêxistina PYDê), pêk tê. 3- Avakirina 3 encumenan ji bo çavdêrîkirina (kontrol) çalakîyên li derve : a) encumena pêwendiyên neteweyî û yên derve. b) encumena xizmet û çalakîyên derve, ku şaxên wê li hemî bajar, qeza û gundan hebin. C) encumena ewlehiyê (emniyyet) û şaxên wê, ji bo parastina hemî bajar, qeza û gundan. 4- rawestandina şerrê agahdariyê di nav partiyên de. 5- qedexekirina bikara-

nîna tundiyê (şiddet). 6- rûmeta (hurmet) Peymana Hewlêrê ku mêkanîsma kar nîşan dide. 7- bicîanîna dest-nîşandana encumenên ku li jor hatine gotin du hefte ji mêjuya (tarîx) wajokirina peymanê de. PYD, ku weka hevkarê hukûmeta sûrî tê nas kirin, divê ku xwe jê dûr bixe û bi awakî çalak (aktîf) bi Kurdên din re kar bike. (Ev « hevkarî » bi hukûmeta sûrî re bitenê taktîk e, ji bo rakirina (nemayîna) partiyên din ên kurdî û bûna hêza kurdî ya tenê ku hukm bike).

**Di 24 Tîrmeh de**, ev Heyeta Bilind a Kurdî cardin ci-viya û 10 endamên xwe nîşan kirin. ([rudaw.net](http://rudaw.net), [avestakurd.net](http://avestakurd.net), 25.07.2012)

**Di 29 Tîrmeh de**, bi sedhezaran Kurd li herderê Kurdistanê û li taxên kurdî yê Şam û Helebê xwe pêşan da (meşîyan), ji bo pîrozkirina avakirina Heyeta Bilind a Kurdên Sûriyê. ([avestakurd.net](http://avestakurd.net), 30.07, [rudaw.net](http://rudaw.net), 31.07.2012)



**Li Hewlêrê wajokirina lihevkarîna bi Encumena Aborî ya Kurdên Sûriyê**

**Di 15 Tîrmeh 2012 de**, lihevkarîneke hevkarîyê di navbera Heyeta Bilind a Kurdî û Encumena Aborî (iqtîsadî, êkonomîk) a Kurdên Sûriyê (EAKS) de li Hewlêrê hat wajo kirin. Eva dawîn ji bo bicîanîna projeyan û baştirkirina rewşa aborî li gund û bajarên kurdî li Sûriyê dixebite. ([avestakurd.net](http://avestakurd.net), 16.07.2012)

**Tedribên serbazên kurd ên cuhan**

Di hevpeyvîneke kanala tîlêvîzyona El-Cezîre, beşa ingilîzî, de serokê Kurdistana Iraqê, Mesûd Berzanî, cara yekemîn got ku Kurdistana Iraqê serbazên (esker) kurd ên cuhan ên Sûriyê, ku ji leşker reviyane vê perçeya Kurdistanê, tedrib dîke (perwerde). Û wî got jî ku ev xort ewê neyên vejerandin, lê amade kirin ji bo roja ku ewê leşkerê sûrî xwe bikişîne û valayiyek çêbibe. ([peyamner.com](http://peyamner.com), [rudaw.net](http://rudaw.net), 23.07.2012)

**PIŞTGIRIYA KURDÊN TIRKIYÊ**

Encumenek bi navê « Encumena Piştgiriya Kurdên Sûriyê » ji aliyê partiyên ramyariyî yê kurdî, HAK-PAR, KADEP, OSEP, û rêxistinên Koma Diyalogê Dicle Fîrat, Înisyatîfa Azadî, Koma Demokratên Şoreşger, hat ava kirin. Wê konfêranseke çapemeniyê li Diyarbekirê kir û tê de helwesta dijberiya sûrî (ya ne kurdî) û ya welatên weka Erebestana Seûdî, Tirkîyê û Qatarê li hemberî Kurdan, û civîna dijberiya sûrî li Qahirê (li jor binêre) rexne kirin. ([rizgari.org](http://rizgari.org), 08.07.2012)

Serokê partiya BDPê, Selahettin Demirtaş, got ku divê ku Tirkîye mercên (şart) Kurdên Sûriyê têbigihêje û mafên wan nas bike. ([peyamner.com](http://peyamner.com), [avestakurd.net](http://avestakurd.net), 21.07.2012)

Encumena birêvebir a KCKê (PKK) dilxweşiya xwe ji avakirina Hesteya Bilind a Kurdên Sûriyê nîşan da. ([avestakurd.net](http://avestakurd.net), [rizgari.org](http://rizgari.org), 25.07.2012)

**BANGA GIRTİYÊKÎ KURD Ê ÎRANÊ**

Girtiyê kurd ê Îranê yê navdar, Muhammed Siddîq Kabûdwend (li jor binêre), ji zîndana Evînê li Tehranê bangî Kurdên Sûriyê kir ku li dijî hevdu dernekevin û ji bo fêdêralîsmê li Kurdistana Sûriyê bixebitin. ([peyamner.com](http://peyamner.com), 10.07.2012)

**BANGA RONAKBÎRÊN KURD ÊN SÛRIYÊ**

**Di 10 Tîrmeh 2012 de**, ji 90 kesahiyên kurd bêtir, ku ji wan kesahiyên ramyariyî (siyasî), ronakbîr û berpirsiyarên NGO (rêxistinên ne hukûmî), li Qamişlî civiyan û daxuyaniyeke hevrayî kir. Wan tê de berpirsiyariya hemî partiyên ramyariyî û çalakvanên kurd di pevçûnên wan ên ku nayên pejirandin (qebûl kirin) de nîşan da. ([peyamner.com](http://peyamner.com), 11.07.2012)

**EL-CEZÎRE NAVÊN EREBKIRÎ YÊN NAVÇEYÊN KURDÎ AŞKERE DIKE**

**Di 14 Tîrmeh 2012 de**, kanala tîlêvîzyonê ya erebî El-Cezîre navên erebkirî yê bajar û qezayên Kurdistana Sûriyê gotin : Li jêr çend nimûne :

**Kurdî**

**Kobanî**  
**Dêrik**  
**Serê Kaniyê**  
**Çil Axa**  
**Taxa Kurdan**  
(li Şamê)  
([avestakurd.net](http://avestakurd.net), 15.07.2012)

**Erebî**

**Eyn El-Arab**  
(Kaniya Ereban !)  
**Malikiyye**  
**Re's El-Eyn**  
**Jewadiyye**  
**Rukn El-Dîn**  
(Quncika Olê !)  
([avestakurd.net](http://avestakurd.net), 15.07.2012)



## **VÊTO LI ENCUMENA EWLEHIYÊ YA UNÊ**

*Di 19 Tîrmeh 2012 de*, piştî êrişên mezzin li Şamê û mirina çend berpirsiyarên bilind ên sûrî, encumena ewlehiyê ya UNê (Rêxistina Neteweyên Yekbûyî) ci-viya, lê Rûsya û Çînê vêtuya xwe danî ! Ev cara 3mîn e ku ev her du welat vêtuya xwe li ser Sûriyê bi kar tînin. ([peyamner.com](http://peyamner.com), [avestakurd.net](http://avestakurd.net), 20.07.2012)

## **9.000 SÛRÎ PENA DIBIN KURDISTANA IRAQÊ**

Birêvebirê servîsa koçberiyê (immigration) ya parêzgeha Duhokê daxuyand (îlan kir) ku heta nuha 9.000 penaberên (multecî) sûrî hatine Kurdistanê. Hukûmeta vê Herêmê alîkariyên cihê, bi hevkarîya rêxistinên mirovî, dide wan, çî Kurd çî Erebb.

Hukûmeta navendî ya Bexdadê got ku ji sedema têrnekirina imkanan û nebûna ewlehiyê (emniyet) li Iraqê, ew nikare alîkariya penaberên sûrî bike. ([peyamner.com](http://peyamner.com), 22.07.2012)

## **KURD Ê EREB DIREVIN KURDISTANA SÛRIYÊ**

Piştî bombekirinên xurt ên Şam û Helebê, jimareke mezzin ji rûniştevanên kurd û ereb ên van her du bajar-  
ran, û yên Hums, Hama û Ezzazê, ber bi Kurdistanê Sû-  
riyê reviyên. Li Kurdistanê rewş gelek giran e : xwarin  
û êlektrîk kêman in, jiyana beha ye, birçîbûn dest pê kiriye  
...

([avestakurd.net](http://avestakurd.net), 31.07.2012)

## **BOMBEKIRINA TAXÊN KURDÎ LI ŞAM Ê HE- LEBÊ**

*Di 21 Tîrmeh 2012 de*, firokeyên sûrî dest bi bombeki-  
rina Taxa Kurdî ya Şamê (Rukn El-Dîn) kir. Rûniştevan  
ber bi taxeke din a kurdî, « Zorava », li nêzîkî Şamê,  
reviyên û tê de pêşwaziya wan hat kirin. Hin ji wan kari  
bûn birevin Qamişlî, li Kurdistanê Sûriyê. Li Helebê, ji  
derveyî bombekirinan, pevçûn di navbera serbazan (es-  
ker) û cuhanên taxa kurdî ya Eşrefiyê derket. 4 cuhan  
birîndar bûn.

([rizgari.org](http://rizgari.org), 22.07, [avestakurd.net](http://avestakurd.net), 23.07.2012)

## **TIRKIYE LEŞKERÊ XWE LI SÎNOR BELAV DIKE**

Leşkerê tirkî li sînorê Kurdistanê Tirkîye-Sûriyê, di  
navbera Nuseybîn û Qamişlî de, belav kir.

([avestakurd.net](http://avestakurd.net), 22.07.2012)

## **TIRKIYE JI DEWLETEKE KURDÎ DITIRSE**

*Di 19 Tîrmeh 2012 de*, li dawîya civîna encumena  
ewlehiyê ya UNê li ser Sûriyê, serokwezîrê tirk, Recep  
Tayyip Erdoğan, ji rojnamevanên Kanal 24 re daxuyand  
ku ewê Tirkîye avakirina Kurdistanê serbixwe li Sû-  
riyê nepejirîne û ku PYD hevalbenda rêxistina têrrorist  
PKKê ye. Û wî got jî ku ewê wezîrê karên derve, Ah-  
met Davutoğlu, bişîne Kurdistanê Iraqê ji bo ku tê de  
pirsan giftûgo bike. Piştî vê yekê, serokê partiya tirkî ya

dijberiyê (muxalefet) CHPê, Kılıçdaroğlu, bi tundî  
hukûmeta partiya AKPê rexne kir û got ku Kurd  
Israîleke nuh, Kurdistanê yekbûyî, ava dikin. Û wî  
serokê Kurdistanê Iraqê, Mesûd Berzanî, jî rexne kir û  
got ku ew hemî van tiştan dizane.

([avestakurd.net](http://avestakurd.net), 25.07., [rudaw.net](http://rudaw.net), 26.07.2012)

Serokê Encumena Neteweyî ya Sûrî, Abdulbasit Seyda  
(kurd), rastî wezîrê tirk ê karên derve, Ahmet Da-  
vutoğlu, hat. Evê dawîn nerazîbûna xwe ji belavbûna  
hêzên PKK-PYDê li sînorê Kurdistanê Sûriyê got.  
Seyda bersîva wî da û got ku hukûmeta sûrî Kurdistanê  
Sûriyê ji PYDê re hiştiye, lê ku Kurd vê yekê napejirî-  
nin û ku gelek ji wan piştgirîya PKKê nakin.

([rudaw.net](http://rudaw.net), [avestakurd.net](http://avestakurd.net), 27.07.2012)

## **TIRKIYE DERIYÊN XWE YÊN GUMRUKÎ DI- GIRE**

Wezîrê tirk ê bazarganî û gumrukan, Heyai Yazıcı,  
daxuyand ku ji sedema şerrê sîvîl li Sûriyê, Tirkîye bi-  
rîyar stend ku hemî deriyên xwe yên gumrukî yên li sî-  
norê sûrî bigire.

([peyamner.com](http://peyamner.com), [avestakurd.net](http://avestakurd.net), 25.07.2012)

## **LEŞKERÊ SÛRÎ YÊ AZAD HIŞYARIYA « PYD »Ê DIKE**

Leşkerê azad ê sûrî (yê dijberiyê) daxuyaniyek belav kir  
û tê de got ku ew hişyarî (ixtar) dide partiya kurdî  
« PYD »ê (baskê sûrî yê PKKê) ku bi rejîma sûrî re  
hevkarîye neke.

([avestakurd.net](http://avestakurd.net), 23.07.2012)

## **PYD ALA XWE BILIND DIKE**

Sekreterê Partiya Dêmkokrat a Kurd li Sûriyê û ber-  
pirsiyarê pêwendiyên derve yê Encumena Neteweyî ya  
Kurdî li Sûriyê, Ebdulkerîm Beşşar, got ku divê ku par-  
tiya PYDê ala xwe hilnegire (partiyên din ên kurdî bi-  
tenê alên kurdî û sûrî bilind dikin). Û wî got jî ku PYD  
iddia dike ku wê hin bajarên piçûk ên Kurdistanê “azad  
kirine”, lê ku ev ne rast e, ji bo ku hêzên ewlehiyê yên  
rejîma sûrî hîn jî tê de ne û wan bixwe hin idareyên sî-  
vîl teslîmî PYDê kirine (ji bo ku dubendî di navbera  
Kurdan de derxîne).

([rudaw.net](http://rudaw.net), 25.07.2012)

## **22.095 MIRÎ LI SÛRIYÊ**

Li gora texmînên dawîn ên çalakvanên sûrî, ji destpêka  
serhildanê heta 27.07.2012, 22.095 kes hatin kuştin. Li  
jêr jimarên li her ciyê :

Hums 7.141, Idlib 3.584, Dêrdorên Şamê 2.627, Hama  
2.584, Der'a 2.135, Dêr El-Zor 1.251, Heleb 1.203,  
Şam 704, Lazîqiyê 428, Quneytira 193, Hesiçê (li sî-  
norê Kurdistanê Sûriyê) 126, Swêda 14.

([avestakurd.net](http://avestakurd.net), 31.07.2012)

# NÛÇEYÊN ÇANDÎ YÊN KURDÎ LI CIHANÊ

## 11 CAR ŞAMPYONÊ CIHANÊ YÊ PÎTZA Û 2 CAR Ê BOKSÊ LI AMERÎKA

Hakkı Akdeniz Kurdekî Tirkîyê ye. Di salên 1990 de çû Kanada û di 2000 de Amerîka. Ew ji gundê xwe yê nêzîkî Farqînê, li navçeya Diyarbekirê, reviya bû, ji bo ku leşkerê tirkî ew şewitandi bû. Heta nuha, ew 11 car bûye şampyonê cihanê yê pîtza, ku ji wan 8 car li Amerîka û 3 car li cihanê. Di 2004 û 2005 de, wî 2 nîşanên zêrîn di boks de li New Yorkê stendi bûn û bû bû şampyonê cihanê yê 3mîn ê Golden Gloves (Leppikên Zêrîn). Ji sedema şikestina parsuyê wî, ew neçar bû bû ku dev ji boksê berde û xwe bi pîtza xerîk (mijûl) bike.

Heta nuha, Akdeniz 68 car beşdar bûye bernameyên têlêvîzyonê, ku ji wan CNN. Û fotoyên wî bi stêrkên navdar ên Hollywoodê jî hene.

Akdeniz 17 sal nikari bû biçê Tirkîyê ji bo seredana malbata xwe. Loma, wan par hevdu li Hewlêrê, li Kurdistanê Iraqê, dît. Ew bîr dike (difikire) ku dibistaneke pîtza li Hewlêrê veke û tê de cuhanan bigihîne.  
([rudaw.net](http://rudaw.net), 02.07.2012)

## PÊŞANGEHEKE FOTOYAN LI TEHRANÊ

Wênêkêşê (fotograf) kurd Hîwa Paşayî pêşangeheke “fotomedyâ” li Galeriya Hunera Rojhilata Navîn, li Teheranê, pêk anî. Ew tê de cill û toreyên (adet) taybetî yên Kurdên Kelhorê, li navçeya Kirmanşahê, li Başûrê Kurdistanê Îranê, dide nasîn. Jimareke girîng ji hunermend û sêmpatîzanên kurd beşdarî vekirinê bûn.  
([rudaw.net](http://rudaw.net), 07.07.2012)

## BAŞTIRÎN ÇÊKERÊ KURTEFÎLMAN LI BELJÎKA

Kovara flamanî ya navdar, Knack Focus, filmçêkerê kurd Sehîm Umer Xelîfe “Baştirîn filmçêkerê kurtefilman li Beljîka” bi nav kir. Di vê kovarê de hevpeyvînek bi Xelîfe re heye û fotoya wî li ser berga wê ye. Ji bo vê babetê, meriv dikare li vê malperê binêre :  
<http://knack.be/weekblad/magazines/focusknack/04-07-2012>  
([avestakurd.net](http://avestakurd.net), 10.07.2012)

Sehîm Xelîfe gelek xelatên navneteweyî stendine (Buroya Kurdî).

## SÊ GORÊN KEVNAR LI KURDISTANA IRAQÊ

Di 12 Tîrmeh 2012 de, birêvebirê şûnwarên parêzgeha Duhokê, Dr. Hesên Ehmed, di konferanseke çapemeniyê de daxuyand ku 3 gorên ku ji 6.000 salan de hene li Dêrikê, li Rojhilata çemê Diclê, li parêzgeha Duhokê hatin dîtin.  
([netkurd.com](http://netkurd.com), 16.07.2012)

## PÊŞANGEHEKE FOTOYAN LI KURDISTANA IRAQÊ

Wênêkêş (fotograf) Muhammed Kifî fotoyên xwe yên nuh ên li ser xwezaya (tabîet) Kurdistanê li Parka Şanederê, li Hewlêrê, pêşan dan. Ev pêşangeha wî ya 13mîn li Kurdistanê ye. Wî 75 pêşangehên din jî li derve pêk anîne. Kifî dibêje ku amanca wî ew bû ku ji cihanê re nîşan bide ku xwezaya Kurdistanê ji ciyên din ên gelek xweş li cihanê ne kêmtir e.  
([peyamner.com](http://peyamner.com), 12.07.2012)

## PÊŞANGEHEKE FOTOYAN LI LUBNANÊ

Ji 14 heta 16 Tîrmeh 2012, li Beyrûtê pêşangeheke fotoyan li ser serok Mustafa Berzanî hat vekirin. Tê de 110 fotoyên wênêkêşê fransî François Lavate, ku hogirîya Berzanî li mêjû (tarîx) û ciyên cihê kiri bû, hene. Fîlmeke belgeyî ya sala 1963 de jî hat nîşan dan.

Pêşangeh ji aliyê Civata Xeyrî ya Kurdî-Lubnanî û şirketa Zhanar ji bo berhemanîne (investment), ku li Hewlêrê ye, hat pêk anîn.  
([rudaw.net](http://rudaw.net), 16.07.2012)

## KURDEK DIBE ENDAMÊ YEKÎTIYA NIVÎSKARÊN KAZAKSTANÊ

Yekîtiya Nivîskarên Kazakstanê ji bo hîlbijartina endamên xwe yên nuh civiya. Ji 100 namzedan (candidats), wê 9, ku ji wan Kurdek, Hesên Hecîsilêman, bijartin. Hemî yên din Kazak bûn. Li vî welatî 130 gel û hindikayî dijîn. Ji derveyî gelek çalakîyên çandî, Hesên Hecîsilêman 5 pirtûkên ku li Alma-Ata hatin weşandin nivîsîne.  
([rudaw.net](http://rudaw.net), 15.07.2012)

BRUSSELS HOOFDSTEDELIJK GEWEST  
VLAAMSE GEMEENSCHAPSCOMMISSIE



Ev bulten, bi alîkariya Vlaamse Gemeenschapscommissie (VGC) û Fédération Wallonie-Bruxelles, bi kurdî, fransî, hollandî û ingilîzî hatiye weşandin.